



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA

Бука С. Караџића 4, 76100 Брчко дистрикт БиХ, тел. +387 49 211 102; 216 344, факс 215 116, ИБ 4600222830003:

Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 215 116, IB 4600222830003:

web: www.fzobrcko.ba, E-mail: fzobrcko1@teol.net,

Broj: 015-180/7-UO-71/25

Brčko, 22.07.2025. godine

Upravni odbor Fonda zdravstvenog osiguranja Brčko distrikta BiH, člana 16 stav (1) tačka r) Odluke o osnivanju Fonda zdravstvenog osiguranja Brčko distrikta BiH („Službeni glasnik Brčko distrikta BiH“ brojevi: 1/07, 8/07, 7/11, 45/14, 20/16, 7/18, 11/20 6/21 i 3/23), Odlukom o usvajanju programa utroška sredstava tekućeg transfera za javne fondove Fondu zdravstvenog osiguranja Brčko distrikta BiH za nabavku insulinskih pumpi sa „loop“ sistemom za oboljele od dijabetesa TIP 1, broj predmeta: 13-000641/25, broj akta: 01.11-1186NK-008/25 od 14.04.2025. godine i Finansijskim planom Fonda zdravstvenog osiguranja Brčko distrikta BiH za 2025. godinu, na 12. redovnoj sjednici, održanoj dana 22.07.2025. godine, donosi:

ODLUKU

O UTVRĐIVANJU PROGRAMA FINANSIRANJA INSULINSKIH PUMPI SA „LOOP“ SISTEMOM ZA OBOLJELE OD DIJABETESA TIP 1

Član 1

(Opšte odredbe)

Ovom Odlukom utvrđuje se Program nabavke insulinskih pumpi sa „loop“ sistemom (insulinska pumpa, kompatibilni senzor, pametna aplikacija) i pripadajućim potrošnim materijalom osiguranim licima Fonda zdravstvenog osiguranja Brčko distrikta BiH (u daljem tekstu: Fond) oboljelim od dijabetesa - TIP 1 kod kojih konvencionalnim metodama liječenja nije postignuta zadovoljavajuća regulacija šećerne bolesti, medicinski i nemedicinski kriterijumi, obim prava, finansiranje, izvori sredstava i druga pitanja od značaja za provođenje ove Odluke.

Član 2

(Kriterijumi za odobravanje)

(1) Nemedicinski kriterijumi neophodni za odobravanje sredstava za nabavku insulinskih pumpi sa „loop“ sistemom i pripadajućim potrošnim materijalom su:

- a) da je podnosilac zahtjeva osigurano lice Fonda starosti do 27 godina;
- b) da boluje od dijabetesa - TIP 1.
- c) Medicinske indikacije neophodne za odobravanje sredstava za nabavku insulinskih pumpi sa „loop“ sistemom i pripadajućim potrošnim materijalom su:
 - 1) loša regulacija šećerne bolesti, odnosno nemogućnost normalizacije glikemije intenziviranom terapijom u više insulinskih injekcija dnevno, velike oscilacije glikemije,
 - 2) izražen „fenomen zore“
 - 3) česte i/ili neprepoznate hipoglikemije, naročito noću;
 - 4) djeca kod kojih su potrebne višekratne dnevne i noćne inzulinske injekcije,

- 5) pubertet i adolescencija kada potreba za insulinom naglo raste zbog hormonskih promjena i ubrzanog rasta,
- 6) dob malog djeteta kada teške hipoglikemije mogu dovesti do trajnog oštećenja mozga,
- 7) komorbiditet (dijabetička gastroenteropatija, celijakija, cistična fibroza),
- 8) rana pojava hroničnih komplikacija bolesti,
- 9) djeca sa određenom vrstom invaliditeta;

(2) Ispunjenost medicinskih kriterijuma se dokazuju medicinskom dokumentacijom, i to:

- a) nalaz i mišljenje ljekara specijaliste pedijatra endokrinologa ili interniste endokrinologa iz ugovornih zdravstvenih ustanova;
- b) nalaz nadležnog doktora primarne zdravstvene zaštite kojim se dokazuje da je osigurano lice oboljelo od dijabetesa - TIP 1, evidentiran u zdravstvenom kartonu osiguranog lica.

Član 3

(Obim prava)

(1) Fond osiguranim licima iz člana 2 ove odluke, odobrava nabavku insulinske pumpe sa „loop“ sistemom i pripadajućeg potrošnog materijala, te finansira nabavku, kako slijedi:

- a) jedna (1) insulinska pumpa sa „loop“ sistemom u iznosu do 8.400,00 KM,
- b) senzori za jednogodišnju primjenu, u ukupnoj količini do 52 senzora u iznosu do 120,00 KM (stodvadeset konvertibilnihmaraka) po jednom (1) senzoru,
- c) jedan (1) infuzioni set („transmitter kit“) za insulinske pume u iznosu do 850,01 KM
- d) infuzioni uređaji za jednogodišnju primjenu, u ukupnoj količini do 12 (dvanaest) uređaja u iznosu do 262,10 KM (dvjestošezdesetdvije, 10/100 konvertibilnihmaraka) po jednom uređaju,
- e) rezervoar za insulinsku pumpu za jednogodišnju primjenu, u ukupnoj količini do 12 (dvanaest) rezervoara u iznosu do 77,90 KM (sedamdesetsedam, 90/100 konvertibilnihmaraka) po jednom rezervoaru,
- f) baterije za insulinsku pumpu za jednogodišnju primjenu, u ukupnoj količini do 2 (dvije) baterije u iznosu do 12,32 KM (dvanaest, 32/100 konvertibilnihmaraka) po jednoj bateriji.

(2) Za osigurana lica koja ispunjavaju uslove propisane ovom Odlukom, ukupan broj senzora se odobrava periodično, u količini za period u trajanju do četiri (4) mjeseca.

(3) Rok korišćenja insulinske pumpe sa „loop“ sistemom iznosi 48 mjeseci, rok korišćenja senzora iznosi 4 mjeseca, dok za ostali pripadajući potrošni materijal iznosi 1 mjesec.

(4) Garancija na insulinsku pumpu je 4 godine, a na infuzioni set (transmitter kit) garancija je 1 godina.

Član 4

(Ostvarivanje prava)

(1) Osigurano lice pravo na nabavku insulinske pumpe sa „loop“ sistemom i potrošnim materijalom ostvaruje na način da Fondu dostavi:

- a) prijedlog za nabavku na odgovarajućem obrascu OP izdat od strane nadležnog ljekara primarne zdravstvene zaštite,
- b) kopija nalaza i mišljenja doktora specijaliste pedijatra endokrinologa i interniste endokrinologa iz ugovorne zdravstvene ustanove,
- c) nalaz i mišljenje ljekara specijaliste pedijatra endokrinologa ili interniste endokrinologa iz ugovornih zdravstvenih ustanova;
- d) nalaz nadležnog doktora primarne zdravstvene zaštite kojim se dokazuje da je osigurano lice oboljelo od dijabetesa - TIP 1, evidentiran u zdravstvenom kartonu osiguranog lica.

(2) Fond po podnesenom zahtjevu osiguranog lica Fonda utvrđuje ispunjenost uslova propisanih ovom Odlukom, na način da nadležni referent u Fondu vrši obradu zahtjeva i isti prosljeđuje prvostepenoj komisiji Fonda za utvrđivanje prava na zdravstvenu zaštitu koja donosi Odluku o pravu na nabavku

insulinske pumpe sa „loop“ sistemom i pripadajućeg potrošnog materijala na teret sredstava budžeta Brčko distrikta BiH i Fonda.

- (3) Osiguranom licu kojem je odobrena nabavka insulinskih pumpi sa „loop“ sistemom i pripadajućim potrošnim materijalom, u periodu korišćenja prava na nabavku iste, ne može biti odobrena i nabavka insulinske pumpe, koja se nalazi na važećoj listi ortopedskih pomagala Fonda i obratno.

Član 5 (Sredstva)

Sredstva za finansiranje insulinske pumpe sa „loop“ sistemom i pripadajućeg potrošnog materijala za potrebe osiguranih lica iz ove odluke obezbjeđuju se iz budžeta Brčko distrikta BiH u iznosu od 200.000,00 KM.

Član 6 (Stupanje na snagu i primjena)

Ova Odluka stupa na snagu danom donošenja i primjenjuje se za 2025. godinu.

PREDSJEDNIK UPRAVNOG ODBORA

Ilija Anić, dipl. ekonomist, s.r.

Dostaviti:

- Direktor
- Zamjenicima direktora (2x)
- Šefovima Službi (3x)
- Odjeljenje za zdravstvo i ostale usluge
- JZU „Zdravstveni centar Brčko distrikt“
- Prvostepena komisija Fonda za utvrđivanje prava na zdravstvenu zaštitu
- Interni kontrolor
- Evidencija
- web stranica
- a/a